



Broj: 10/E-11-5222/23
Sarajevo, 03-11-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Izvođenje radova na sanaciji, rekonstrukciji, izgradnji i redovnom održavanju cesta za potrebe Općine Centar Sarajevo za područje MZ: Soukbunar, Skenderija – Podtekija, Trg oslobođenja – Centar, Marijin Dvor i Crni Vrh – Gorica (Zapisnik o pregledu i ocjeni ponuda broj: 10/E-11-5222/23 od 13.10.2023. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača „**ADO-TRANS**“ d.o.o. **Visoko**, ulica Poslovna zona Ozrakovići, 713000 Visoko, evid. znak G-391/23 od 29.09.2023. godine, za izvođenje radova na sanaciji, rekonstrukciji, izgradnji i redovnom održavanju cesta za potrebe Općine Centar Sarajevo za područje MZ: Soukbunar, Skenderija – Podtekija, Trg oslobođenja – Centar, Marijin Dvor i Crni Vrh – Gorica, putem otvorenog postupka, u ukupnom iznosu od 5.474.931,00 KM bez PDV-a odnosno **1.824.977,00 KM bez PDV-a (sa faktorom korekcije), odnosno 2.135.223,09 KM sa PDV-om (sa faktorom korekcije) i rokom plaćanja 60 (šezdeset) dana.**
- II. Ugovorni organ će sa izabranim ponuđačem zaključiti Okvirni sporazum na period od 2 (dvije) godine, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originale ili ovjerene kopije).
- IV. Ova Odluka se dostavlja ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Izvođenje radova na sanaciji, rekonstrukciji, izgradnji i redovnom održavanju cesta za potrebe Općine Centar Sarajevo za područje MZ: Soukbunar, Skenderija – Podtekija, Trg oslobođenja – Centar, Marijin Dvor i Crni Vrh – Gorica, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-5222/23 od 12.9.2023. godine.

Postupak javne nabavke nije podijeljen na lotove. Obavještenje o nabavci broj: 848-1-3-152-3-172/23 objavljeno je dana 12.9.2023. godine na Portalu javnih nabavki, a Sažetak

Obavještenja o nabavci objavljen je u „Službenom glasniku BiH“ broj 63/23 – Oglasnik javne nabavke.

Procijenjena vrijednost javne nabavke iznosi ukupno 2.135.000,00 KM bez PDV-a.

U roku za predaju ponuda koji je određen tenderskom dokumentacijom (3.10.2023. godine do 11:00 sati), na adresu Ugovornog organa dostavljeno je pet (5) ponuda od ponuđača: 1. „GRAKOP“ d.o.o. Kiseljak, 2. „DEMUS“ d.o.o. Sarajevo, 3. „BUCOMERC“ d.o.o. Kiseljak, 4. „ADO-TRANS“ d.o.o. Visoko i 5. grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda i rok plaćanja, kao kriteriji „ekonomski najpovoljnija ponuda“, kako sljedi:

r/b	Ponuđač	Ukupno bez PDV-a (za 2 godine)	Popust	Faktor korekcije (sum/3)	Ukupno bez PDV-a	Sveukupno sa PDV-om (za 2 godine)	Rok plaćanja (dan)
1.	„GRAKOP“ d.o.o. Kiseljak	6.377.496,00	/	2.125.832,00	2.125.832,00	2.487.223,44	60
2.	„DEMUS“ d.o.o. Sarajevo	6.071.597,00	/	2.023.865,67	2.023.865,67	2.367.922,83	60
3.	„BUCOMERC“ d.o.o. Kiseljak	5.771.825,50	/	1.923.941,83	1.923.941,83	2.251.011,94	60
4.	„ADO-TRANS“ d.o.o. Visoko	5.688.831,00	/	1.896.277,00	1.896.277,00	2.218.644,09	60
5.	Grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica	6.215.510,00	/	2.071.836,67	2.071.836,67	2.424.048,90	60

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; formalne ispravnosti, ocjene tehničke i ekonomske prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom je Komisija I ustanovila:

- Ponuda ponuđača „BUCOMERC“ d.o.o. Kiseljak je nepravilna u smislu člana 2. stav (1) tačka I) al. 3) Zakona o javnim nabavkama („Službeni glasnik BiH“, broj 39/14 i 59/22). Ovakvom zaključku Komisije I prethodilo je utvrđenje dalje navedenih činjenica.

Tačkom 8.1.4. tenderske dokumentacije za predmetnu nabavku propisano je da dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Na stranici redni broj 2 dostavljene ponude, ponuđač „BUCOMERC“ d.o.o. Kiseljak je naznačio popis dostavljenih dokumenata, izjava i obrazaca sa nazivima istih.

Na istom popisu nije naveden CD sa jediničnim cijenama za pojedine vrste i faze radova u formi Excel dokumenta, kako je zahtijevano tačkom 8.2., podtačka 8.2.1. tenderske dokumentacije.

Tačkom 8.2. SADRŽAJ PONUDE, podtačka 8.2.1. tenderske dokumentacije, evidencijski broj 10/E-11-5222/23, određeno je sljedeće:

- ***Jedinične cijene za pojedine vrste i faze radova dostaviti u ponudi, u formi Excel dokumenta (prilog tenderskoj dokumentaciji), kao sastavni dio Obrasca za cijenu ponude (Aneksa 2.) i to u odštampanom obliku sa potpisom ovlaštenog lica ponuđača, i snimljene na CD-u u Excel formatu, uz obavezno navođenje u Obrascu za ponudu (Aneks 1.) tenderske dokumentacije (popis dostavljenih dokumenata, izjava...).***

Ponuđač „BUCOMERC“ d.o.o. Kiseljak, u popisu dostavljenih dokumenata, izjava i obrazaca sa nazivima istih, odnosno u sadržaju ponude, na stranici redni broj 2, nigdje nije naveo CD sa traženim podacima, kao dio svoje ponude, čime nije postupio u skladu sa zahtjevima tenderske dokumentacije.

Na osnovu tako utvrđenog činjeničnog stanja, Komisija I je zaključila da ponuđač „BUCOMERC“ d.o.o. Kiseljak nije postupio u skladu sa članom 57. stav (1) Zakona o javnim

nabavkama („Službeni glasnik BiH“, broj 39/14 i 59/22) kojim je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije. U konkretnom slučaju ponuđač „BUCOMERC“ d.o.o. Kiseljak nije postupio u skladu sa tačkom 8.1.4. tenderske dokumentacije kojom je propisano da dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude. Također, u pripremi ponude navedeni ponuđač nije postupio u skladu sa tačkom 8.2., podtačka 8.2.1. al. 16) tenderske dokumentacije, kojom je propisano da se jedinične cijene za pojedine vrste i faze radova dostavljaju u ponudi, u formi Excel dokumenta (prilog tenderskoj dokumentaciji), kao sastavni dio Obrasca za cijenu ponude (Aneksa 2.) i to u odštampanom obliku sa potpisom ovlaštenog lica ponuđača, i snimljene na CD-u u Excel formatu, uz obavezno navođenje u Obrascu za ponudu (Aneks 1.) tenderske dokumentacije (popis dostavljenih dokumenata, izjava...).

Komisija I je konstatovala da je CD sa traženim sadržajem dostavljen u ponudi, ali isti nije naveden u sadržaju popisa dostavljenih dokumenata, izjava i obrazaca, u skladu sa zahtjevom iz tenderske dokumentacije za predmetnu nabavku.

Izvršenom izmjenom u članu 2. stav (1) tačka l) al. 3) Zakona o javnim nabavkama („Službeni glasnik BiH“, broj 39/14 i 59/22), zakonodavac je propisao da je nepravilna ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Temeljem tako utvrđenog činjeničnog stanja, u skladu sa naprijed navedenom zakonskom odredbom člana 2. stav (1) tačka l) al. 3), a u vezi sa članom 68. stav 4) tačka i) Zakona o javnim nabavkama, Komisija I je ponudu ponuđača „BUCOMERC“ d.o.o. Kiseljak kao nepravilnu isključila iz postupka.

U daljem toku postupka pregleda ponuda, Komisija I je ustanovila:

- Ponuda ponuđača „DEMUS“ d.o.o. Sarajevo je nepravilna u smislu člana 2. stav (1) tačka l) al. 3) Zakona o javnim nabavkama („Službeni glasnik BiH“, broj 39/14 i 59/22). Ovakvom zaključku Komisije I prethodilo je utvrđenje dalje navedenih činjenica.

Tačkom 8.2. SADRŽAJ PONUDE, podtačka 8.2.1. tenderske dokumentacije, evidencijski broj 10/E-11-5222/23, određeno je sljedeće:

- ***Jedinične cijene za pojedine vrste i faze radova dostaviti u ponudi, u formi Excel dokumenta (prilog tenderskoj dokumentaciji), kao sastavni dio Obrasca za cijenu ponude (Aneksa 2.) i to u odštampanom obliku sa potpisom ovlaštenog lica ponuđača, i snimljene na CD-u u Excel formatu, uz obavezno navođenje u Obrascu za ponudu (Aneks 1.) tenderske dokumentacije (popis dostavljenih dokumenata, izjava...)***.

Detaljnim pregledom dostavljene ponude i CD-a Komisija I je ustanovila da je ponuđač „DEMUS“ d.o.o. Sarajevo na dostavljenom CD-u snimio traženi dokument (prilog tenderske dokumentacije), međutim isti nije snimljen u formatu kako je to zahtijevano tenderskom dokumentacijom za predmetnu nabavku.

Tenderskom dokumentacijom, tačkom 8.2., podtačka 8.2.1. al. 16), propisano je da se jedinične cijene za pojedine vrste i faze radova dostavljaju u ponudi, u formi Excel dokumenta (prilog tenderskoj dokumentaciji), kao sastavni dio Obrasca za cijenu ponude (Aneksa 2.) i to u odštampanom obliku sa potpisom ovlaštenog lica ponuđača, i snimljene na CD-u u Excel formatu, uz obavezno navođenje u Obrascu za ponudu (Aneks 1.) tenderske dokumentacije (popis dostavljenih dokumenata, izjava...).

Na osnovu tako utvrđenog činjeničnog stanja, Komisija I je zaključila da ponuđač „DEMUS“ d.o.o. Sarajevo nije postupio u skladu sa članom 57. stav (1) Zakona o javnim nabavkama („Službeni glasnik BiH“, broj 39/14 i 59/22) kojim je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Naime, u konkretnom slučaju Komisija I je konstatovala da je u ponudi ponuđača „DEMUS“ d.o.o. Sarajevo dostavljen CD, naveden u sadržaju ponude na stranici redni broj 3, međutim zahtijevani sadržaj u smislu naprijed navedene tačke tenderske dokumentacije nije snimljen u Excel formatu, nego je snimljen u PDF formatu, što nije u skladu sa zahtjevom iz tenderske dokumentacije za predmetnu nabavku.

Izvršenom izmjenom u članu 2. stav (1) tačka l) al. 3) Zakona o javnim nabavkama („Službeni glasnik BiH“, broj 39/14 i 59/22), zakonodavac je propisao da je nepravilna ona ponuda koja nije u skladu sa tenderskom dokumentacijom ili je primljena van roka za dostavljanje ponuda

ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Temeljem tako utvrđenog činjeničnog stanja, u skladu sa naprijed navedenom zakonskom odredbom člana 2. stav (1) tačka l) al. 3), a u vezi sa članom 68. stav 4) tačka i) Zakona o javnim nabavkama, Komisija I je ponudu ponuđača „DEMUS“ d.o.o. Sarajevo kao nepravilnu isključila iz postupka.

Detaljnijom računskom provjerom ispravnosti ponuda ponuđača: 1. „GRAKOP“ d.o.o. Kiseljak; 2. „ADO-TRANS“ d.o.o. Visoko i 3. Grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica, Komisija I je utvrdila da u ponudi ponuđača „ADO-TRANS“ d.o.o. Visoko postoje računске greške, detaljno navedene u Zapisniku o pregledu i ocjeni ponuda broj: 10/E-11-5222/23 od 11.10.2023. godine, koji je sastavni dio ove Odluke. S tim u vezi, dopisom broj: 10/E-11-5222/23 od 6.10.2023. godine, traženo je od ponuđača „ADO-TRANS“ d.o.o. Visoko da dostavi pismeno izjašnjenje.

Dana 9.10.2023. godine ponuđač „ADO-TRANS“ d.o.o. Visoko dostavio je putem elektronske pošte izjašnjenje i saglasnost za ispravku računskih grešaka u svim naprijed navedenim stavkama ponude, znak: I-417/23 od 09.10.2023. godine. Na osnovu izjašnjenja i saglasnosti utvrđeno je da cijena ponude ponuđača „ADO-TRANS“ d.o.o. Visoko ukupno sa popustom bez PDV-a iznosi 5.474.931,00 KM; faktor korekcije (SUM/3) iznosi 1.824.977,00 KM; ukupna cijena bez PDV-a iznosi 1.824.977,00 KM, sveukupno sa PDV-om iznosi 2.135.223,09 KM. Naknadno je putem pošte na adresu Ugovornog organa dostavljeno isto izjašnjenje sa CD-om.

Za preostale dostavljene prihvatljive ponude Komisija I je utvrdila da su računski ispravne te da je u ponudama ispravno obračunata ukupna cijena ponude sa PDV-om.

Nakon izjašnjenja o računskim greškama, cijene prihvatljivih ponuda koje će se vrednovati su:

r/b	Ponuđač	Ukupno bez PDV-a (za 2 godine)	Popust	Faktor korekcije (sum/3)	Ukupno bez PDV-a	Sveukupno sa PDV-om (za 2 godine)	Rok plaćanja (dan)
1.	„GRAKOP“ d.o.o. Kiseljak	6.377.496,00	/	2.125.832,00	2.125.832,00	2.487.223,44	60
2.	„ADO-TRANS“ d.o.o. Visoko	5.474.931,00	/	1.847.977,00	1.847.977,00	2.135.223,09	60
3.	Grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica	6.215.510,00	/	2.071.836,67	2.071.836,67	2.424.048,90	60

U daljem toku postupka izvršena je ocjena i vrednovanje dostavljenih prihvatljivih ponuda prema pravilima propisanim Zakonom o javnim nabavkama i podzakonskim aktima, kao i procedurama utvrđenim u tenderskoj dokumentaciji za predmetnu nabavku, primjenom odgovarajućih formula za obračun bodova, sadržanim u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 13.), kako slijedi:

KRITERIJ ZA BODOVANJE „ekonomski najpovoljnija ponuda“	„GRAKOP“ d.o.o. Kiseljak	„ADO-TRANS“ d.o.o. Visoko	Grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica
Cijena 95% (bez PDV-a)	$1.824.977,00 / 2.125.832,00 \times 95 = \mathbf{81,55}$	$1.824.977,00 / 1.824.977,00 \times 95 = \mathbf{95,00}$	$1.824.977,00 / 2.071.836,67 \times 95 = \mathbf{83,68}$
Rok plaćanja 5%	$60 / 60 \times 5 = 5$	$60 / 60 \times 5 = 5$	$60 / 60 \times 5 = 5$
UKUPNO	86,55	100	88,68

Nakon bodovanja primjenom utvrđenih potkriterija „ekonomski najpovoljnija ponuda“, izvršeno je rangiranje kako slijedi:

Rang	PONUĐAČ	UKUPNA CIJENA PONUDE (KM) bez PDV-a (sa faktorom korekcije)	Ukupno bodova
1.	„ADO-TRANS“ d.o.o. Visoko	1.824.977,00	100
2.	Grupa ponuđača: „MUŠINBEGOVIĆ GRADNJA“ d.o.o. Visoko i „KOMGRAD-ZE“ d.o.o. Zenica	2.071.836,67	88,68
3.	„GRAKOP“ d.o.o. Kiseljak	2.125.832,00	86,55

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

Ponuđača **„ADO-TRANS“ d.o.o. Visoko**, ul. Poslovna zona Ozrakovići bb, 71300 Visoko, evid. znak G-391/23 od 29.09.2023. godine, za izvođenje radova na sanaciji, rekonstrukciji, izgradnji i redovnom održavanju cesta za potrebe Općine Centar Sarajevo za područje MZ: Soukbunar, Skenderija – Podtekija, Trg oslobođenja – Centar, Marijin Dvor i Crni Vrh – Gorica, putem otvorenog postupka, u ukupnom iznosu od 5.474.931,00 KM bez PDV-a odnosno **1.824.977,00 KM bez PDV-a (sa faktorom korekcije), odnosno 2.135.223,09 KM sa PDV-om (sa faktorom korekcije) i rokom plaćanja 60 (šezdeset) dana**, sa kojim će biti zaključen Okvirni sporazum na period od 2 (dvije) godine.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 7.500,00 KM u skladu sa članom 108. stav (1) tačka f) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Prilog:

Zapisnik o pregledu i ocjeni ponuda broj: 10/E-11-5222/23 od 13.10.2023. godine



OPĆINSKI NAČELNIK

Srđan Mandić

DOSTAVITI:

1. Ponuđač: „ADO-TRANS“ d.o.o. Visoko, ul. Poslovna zona Ozrakovići bb, 71300 Visoko
2. Ponuđač: „BUCOMERC“ d.o.o. Kiseljak, ul. Brestovsko bb, 71250 Kiseljak
3. Ponuđač: „DEMUS“ d.o.o. Sarajevo, ul. Maršala Tita broj 48/II, 71000 Sarajevo
4. Grupa ponuđača: „MUŠINBEGOVIĆ GRADNJA“ d.o.o. Visoko, ul. Muhašinovići bb, 71300 Visoko
5. i „KOMGRAD-ZE“ d.o.o. Zenica, ul. Bistua Nuova do broja 17, 72000 Zenica
6. Ponuđaču: „GRAKOP“ d.o.o. Kiseljak, ul. Gromiljak bb, 71250 Kiseljak
7. Službi za stambene i komunalne poslove
8. Kabinetu općinskog načelnika - Odsjek za javne nabavke
9. Službi za finansije
10. U spis